



Kensa Keskan

Singalong - Song sheet

Supported by:



Antemna Kaswydh - Cadgwith Anthem

Dewgh, dreheveugh 'gas gwedren ha bedhewgh lowenek,

Rag ravna ha ladra dhyn ni meur a bleg;

Ha ni owth erya dre nansow may tyv an bleujennow,

Ha'n lilis ha'n brialli ha'n rosennow hweg.

Deun dhe-ves (deun dhe-ves),

Deun dhe-ves (deun dhe-ves),

Deun dhe-ves

Bys y'n fowys y'n menydh-yow may kyv an ladron kres.

Tewewgh, tewewgh, a ny glewewgh tros ha treys eus o nesa?

Sevewgh, sevewgh, ha daskor dha vona pur deg;

Ha ni owth erya dre nansow may tyv an bleujennow,

Ha'n lilis ha'n brialli ha'n rosennow hweg.

Deun dhe-ves (deun dhe-ves),

Deun dhe-ves (deun dhe-ves),

Deun dhe-ves

Bys y'n fowys y'n menydh-yow may kyv an ladron kres.

(Treylys – Julyan Holmes)

An Rosen Wynn - The White Rose

My a'gar an rosen wynn,
Mar hweg, mar deg del dyv hi,
An rosen wynn,
Mar splann, mar vryntin,
A dhre dha gov omma dhe-vy!

Kynsa pan welis ow hwegol,
Yth es ta mar deg avel ros,
Mes lemmyn mar dhisliw dha vejeth,
Mar wynn avel rosen mayth os.

My 'gar an rosen wynn,
Mar hweg, mar deg del dyv hi,
An rosen wynn,
Mar splann, mar vryntin,
A dhre dha gov omma dhe-vy!

(Treylys - Julyan Holmes)

Bro Goth Agan Tasow

Bro goth agan tasow, dha flehes a'th kar,
Gwlas ker an howlsedhes, pan vro yw dha bar?
War oll an norvys, 'th on ni skollys a-les,
Mes agan kerensa yw dhis.

Kernow! Kernow, y keryn Kernow!
An mor, hedra vo,
Yn fos dhis a-dro,
'Th on onan hag oll rag Kernow!

Gwlaskor Myghtern Arthur, an Sens kyns, ha'n Gral,
Moy kerys genen nyns yw tiredh aral,
Ynnos sy pub karn, nans, menydh ha chi
A gows yn Kernewek dhyn ni.

Yn tewlder an bal ha war donnow an mor,
Pan esen ow kwandra dre diryow tramor
Yn pub le pynag, hag yn keniver bro
Y treyllyn kolonnow dhis.

(Treylys – Nance)

Dewlagas Vyghan - Little Eyes

Nans yw unn nos, y'm beu hunros,
An koynta 'veu a'y oos;
Yth esa hi owth amma dhymm,
Enos a-dryv an fos!

Yn-medh hi:
Dewlagas vyghan (melder),
Dewlagas vyghan,
War oll an norvys nyns eus hwath dha bar;
(melder, melder, melder)
Dewlagas vyghan,
Dewlagas vyghan,
Bys vykken my a'th kar
(melder, melder, melder)

A lavar dhymm, A lavar gwir,
Piw yw dha duren deg?
A lavar dhymm ha lavar gwir,
Piw'n moyha dhis a bleg?

Yn-medh hi ...

Nyhewer y's kemeris tre,
Yn-dann an spernen wynn;
A-dro dh'y kres, 'hworris ow breggh,
Ha'y synsi strothys tynn.

Yn-medh hi...

(Treylys - Julyan Holmes)

Trelawny

Gans kledha da ha dorn yw lel
gwir lowen an golon,
yth aswon Myghtern Jamys fel
pandr' wrello Kernowyon.
Yw ordnys le ha prys ankow?
'Verow Trelawny bras?
Ottomma ugens mil Gernow
a wodhvydh oll an kas.

'Verow Trelawny bras?
'Verow Trelawny bras?
Ottomma ugens mil Gernow
a wodhvydh oll an kas.

Yn-medh an Kapten, bew y woos,
gwas jolif yn mysk kans,
"Tour Loundres kyn fe Karrek Loos
Y'n delirvsen dihwans!"
Ni a dres Tamer, tir dhe dir,
an Hevren ny'gan lett,
ha skoodh ryb skoodh, kowetha wir,
piw orthyn ni a sett?

'Verow Trelawny bras?

Devedhys bys yn fos Loundres,
gwel deg dhyn, ni a gri:
"Dewgh 'mes, ownegyon oll, dewgh 'mes!
Gwell dus on esowgh hwi!"
Trelawny yw avel felon
fast yn kargharow tynn,
mes ugens mil a Gernowyon
godhvos an ken a vynn.

'Verow Trelawny bras?
'Verow Trelawny bras?
Ottomma ugens mil Gernow
a wodhvydh oll an kas.

(Treylys – Nance)



Supported by:



**FOR MORE INFORMATION OR TO
BOOK TICKETS - PLEASE CALL
01872 553 413**